

merus vocum ex datis literis componibilium. Quæ enim vox  
 §3. literarum est? Imò quantacunque sit, inveniantur omnes  
 complexiones 23. rerum, in singulas ducantur variationes suæ  
 juxta probl. 2. num. 59. productum erit numerus omnium vo-  
 cum nullam literam repetitam habentium. At habentes repe-  
 rire docebit problema 6.) Porro tantus hic numerus est, ut,  
 et si totus globus terraqueus solidus circumquaque esset, & cui-  
 libet spatiolo homo insisteret, & quota annis, imò singulis horis  
 morerentur omnes surrogatis novis; summa omnium ab initio  
 mundi ad finem usque multum ab futura sit: ut ait Harsdörffer.  
 d. I. Hegiam Olynthium græcum dudum censuisse. His con-  
 templationibus cum nuper amicus quidam objiceret, ita sequi,<sup>16</sup>  
 ut liber esse possit in quo omnia scripta scribendaque invenian-  
 tur: Tum ego: & fateor, inquam, sed legenti grandi omnino ful-  
 cro opus est, ac vereor ne orbem terrarum opprimat. Pulpitum  
 tamen commodius non inveneris cornibus animalis illius, quo  
 Muhamed. in cœlum vectus arcana rerum exploravit, quo-  
 rum magnitudinem & distantiam Alcorani oracula dudum  
 tradiderunt. Vocabum omnium ex paucis literis orientium ex-  
 emplo ad declarandam originem rerum ex Atomis usus est ex<sup>17</sup>  
 doctrina Democriti ipse Aristot. 1. de Gen. & Corr. text. 5.  
 & illustrius lib. 1 Metaph. c. 4. ubi ait ex Democrito; Atomos  
 differre *χρήματι* id est Figura, uti literas A & N; *θέσι* id est  
 situ, uti literas: N & Z. si enim à latere aspicias altera in alte-  
 ram commutabitur; *τάξις* id est ordine v. g. Syllabæ AN, & NA..  
 Lucret. quoque lib. 2. ita canit:

Quin etiam refert nostris in versibus ipsis  
*Cum quibus (complexiones) & quali sint ordine (varia-  
 tio-  
 situs) quæque locata*

Namque eadem cœlum, mare, terras, flumina, Solem.

Significant: eadem fruges, arbusta animantes:

Si non omnia sint, at multo maxima pars est

Consimilis; verum positura discrepitant hæc.

Sic